

Mercken
van de ton
op Ygel-
hoeck.

Wozcum. Van daer tot de tonne op Ygelhoeck is de cours noorden/ de mercken daer van zijn dese. daer staet een scherp toorenken ghenaeint Lutgheest/ met een lanck dorp dweers van u/ als dat toorenken comt in't binnenste glop van't langhe dorp/ so hebt ghy de tonne / en dat is een goet dweers-merck/maer de langhs mercken zijn / als de scherpe tooren van Dingom comt ober de plompe toore van Coorenwaert/ staende op de water-kant / ende Pandraghen comt aen een kleyn huys dat benoorden 'tdorp met het glop staet/ ofte als de Meulen van Staveren staet tusschen de Stadt ende dat Blockhuys van Staveren/ dit zijn al goede langhs-mercken van de tonne op Ygelhoeck/ ende dese tonnen machmen in't uytseplen onderseplen aen de Oostwal / ende comen benoorden de Middelfronden weder in de Vlie-stroom / doch niet met groote schepen.

Van Ygelhoeck tot de Middelfrondt/ is de cours noorde ende zuyden/ ende het rechte diep inde Middelfrondt is seven badem/maer in't vaer-water tusschen west van Wozcum ende de Middelfrondt is het rechte diep vier badem steek-gront/ ende de oostwal is black/ ende de westwal schor. De tonne van de Middelfrondt leyt op dese mercken: als de twee scherpe toorens die ontrent noordoost van u staen/ te weten Arum ende Dingom ober een comen/ dan hebby de lenghde van dese tonne: of als Bollwert comt recht benoorden een Landt-huys dat benoorden Hackum staet/ dat zijn goede dweers-mercken van de Middelfrondt. Langhs-mercken zijn dese: als kinswaert (dat is de looper) comt te staen achter de kercke van Surich/ daer zijt ghy recht in't vaer-water. Dese kercke van Surich staet op de water-kant op eenen uyt-hoeck van het landt/ ontrent noordoost ten noorden van u: ofte als de plompe toore van Wpaldum ofte Wpnaem staende benoorden Harlingen / comt te staen tusschen Midlum ende Harlingen/ dan zijt ghy recht in de Middelfrondt/ aen welcken kant dat Wpaldum naest staet/ die wal zijt ghy oock naest. Wpaldum moet staen tusschen het oost-eyndt van Harlingen ende Midlom / doch Midlom naest / dit is een recht langhs-merck. De rechte vaerwech in de Middelfrondt is seven badem als vooren is gesejdt/ ende beyde die wallen zijn schorre.

Allmen dooz de Middelfrondt is/ ende uytwaert nae het Vlie wil seplen/ soo en machmen ghene steerten sandts aende west-wal onderseplen / gheheel tot de Nonickeloot toe/ dan men moet de west-wal tusschen de Middelfrondt ende

Swanebalgh niet nader comen als op drie badem/maer van Swanebalgh voort uytwaert niet nader als vier badem/maer men moet seer neerstich op zijn loot passen/ bysonder teghens Schieringshals aencomende / maer van buyten aen in-comende / machmen de west-wal onderseplen als op zijn plaetse sal verklaert werden.

Allmen van buyten aen inne comt/ so machmen de tonne op de middel-gront onderseplen/ want daer leyt een plaet gheheten de Middelflaet/ daerinnen beoosten onne mach seple/ ende comen so bezuyden de ton op Ygelhoeck weder in de Vliestroom/maer niet met groote schepen/ dese Middelflaet leyt aende oostwal. Alende westwal machmen oock een plaete onderseplen/ gheheten Dominicus Plaet/ alerinnen in de Middelfrondt comt: die werdt oock ghenaeint de hoeck van de Waert ofte Doodbalch/ en daer staet een drifbaecken op/ benoorden dese plaet is een goede reede/ teghen ober die tonne op Swanebalgh / want ghy hebt daer black water / ende weynich strooms.

Als ghy de tonne in de Middelfrondt voorby zijt so gaet noordnoordwest nae de ton op Swanebalgh. De dweers-mercken van dese tonne zijn / als Bollwaert comt ober een kleyn cozt huysken/ dat bezuyde Coornwaert staet/ dan hebt ghy de lenghde van dese ton / ende men mach hier een steert sandts onder seplen / allmen uytwaert wesen wil / dese ton leydt op drie badem aen de oostwal/ en dat westlandt machmen looden op vier badem tot Schieringshals toe. Als ghy innewaert wilt wesen/ so hout de oostwal met een voorbloet/ want die soude u in dese Balgh trecken / al eer ghy't weten soude. De mercken om langhs dit langhe rack te seplen zijn dese: men liet Hackum met een meulen op de water-kant/ ende is zuydoost van u / ende bezuyden Hackum staet een Dorp met een plomp toornken genaemt Idlegahuylen. Als nu Pandraghen comt tusschen Hackum ende dit Dorp/ so en machmen aen dese steert ofte Doodbalgh niet misdoen/ maer ist dat Pandraghen Idlegahuylen naest comt/ soo zijt ghy de voornoemde steert te nae / ende comt Pandraghen Hackum naest/ so zijt ghy het oostlandt te nae/ dese mercken machmen aldus staende houden / soo langh allmen die sien mach.

Van de ton op Swanebalgh tot Schuytelant/ is de cours noordwest wel so noordelijck/ als Wpaldum comt ober het hooghste van Harlingen/ dan hebt ghy de lengde van de ton op Schuytelant/ de langhs-merckē zijn dese: Bollwaert comt

Middel-
plaet.

Domini-
cus plaet.

Mercken
van de ton
op de Mid-
delgrondt.

Mercken
van de ton
op Swane-
balgh.

Mercken
van't lan-
ghe Rack.

Ton op
Schuyre-
landt.